

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ODLUKE O IZMJENAMA I DOPUNAMA ODLUKE O PRISTUPANJU IZRADI PROSTORNOG PLANA FEDERACIJE BOSNE I HERCEGOVINE ZA PERIOD OD 2002. DO 2022. GODINE

Proglašava se Odluka o izmjenama i dopunama Odluke o pristupanju izradi Prostornog plana Federacije Bosne i Hercegovine za period od 2002. do 2022. godine koji je donio Parlament Federacije BiH na sjednici Predstavničkog doma od 17. decembra 2007. godine i na sjednici Doma naroda od 8. novembra 2007. godine.

Broj 01-02-10/08
10. januara 2008. godine
Sarajevo

Predsjednica
Borjana Krišto, s. r.

Na osnovu tačke c) Amandmana VIII na Ustav Federacije Bosne i Hercegovine, član III.2.c) ii) a u vezi sa članom IV.a.20(1k) Ustava Federacije Bosne i Hercegovine, članom 23. stav 1. Zakona o prostornom planiranju i korišćenju zemljišta na nivou Federacije Bosne i Hercegovine ("Službene novine Federacije BiH", broj 2/06 i 72/07), Parlament Federacije Bosne i Hercegovine na sjednici Predstavničkog doma, održanoj 17. decembra 2007. godine, i na sjednici Doma naroda, održanoj 8. novembra 2007. godine, donio je

ODLUKU

O IZMJENAMA I DOPUNAMA ODLUKE O PRISTUPANJU IZRADI PROSTORNOG PLANA FEDERACIJE BOSNE I HERCEGOVINE ZA PERIOD OD 2002. DO 2022. GODINE

Član 1.

U naslovu, u članu 1. stav 1. i članu 2. stav 2. Odluke o pristupanju izradi Prostornog plana Federacije Bosne i Hercegovine za period od 2002. do 2022. godine ("Službene novine Federacije BiH", br. 20/04) (u daljnjem tekstu: Odluka) broj "2002" zamjenjuje se brojem "2008" a broj "2022" zamjenjuje se brojem "2028".

U članu 1. stav 5. Odluke riječi: "i okoliša" brišu se.

Član 2.

U članu 2. stav 2. Odluke riječi: "s posebno razrađenom etapom za period do 2006. godine" brišu se.

U stavu 3. riječ "dvije" zamjenjuje se riječju "četiri".

Član 3.

U članu 3. stav 1. Odluke riječ "dvogodišnji" zamjenjuje se riječju "četverogodišnji".

Član 4.

U članu 4. Odluke stav 1. mijenja se i glasi: "Prostorni plan Federacije Bosne i Hercegovine radi se na osnovu Prostorne osnove Federacije Bosne i Hercegovine (u daljnjem tekstu: Prostorna osnova Federacije)".

Stav 3. mijenja se i glasi: "Prostornu osnovu Federacije donosi Parlament Federacije Bosne i Hercegovine na prijedlog Vlade Federacije Bosne i Hercegovine".

Član 5.

Član 5. Odluke mijenja se i glasi:

"Zakonodavna tijela kantona dužna su, u roku od 60 dana od dana dostave Prostornog plana Federacije Bosne i Hercegovine i Programa mjera, da daju mišljenje, a u slučaju da mišljenje nije dostavljeno smatraće se da je dato pozitivno mišljenje.

Prostorna osnova Federacije, Program mjera i Odluka o provođenju Prostornog plana Federacije Bosne i Hercegovine sastavni su dijelovi Prostornog plana Federacije Bosne i Hercegovine.

Sredstva za pripremu, izradu i praćenje Prostorne osnove Federacije, Prostornog plana Federacije Bosne i Hercegovine, Programa mjera i izvještaja obezbjeđuju se u buxetu Federacije Bosne i Hercegovine.

Rok za izradu Prostornog plana Federacije Bosne i Hercegovine je dvije godine od stupanja na snagu ove Odluke.

Prostorni plan Federacije Bosne i Hercegovine, kao dokument od značaja za narode i građane Federacije Bosne i Hercegovine, donosi Parlament Federacije Bosne i Hercegovine, na prijedlog Vlade Federacije Bosne i Hercegovine na period od 20 godina."

Član 6.

U članu 6. stav 1. Odluke riječi: "i okoliša" brišu se.

U stavu 2. riječi: "koja će biti odgovorna za sve faze izrade Prostornog plana Federacije Bosne i Hercegovine" brišu se.

U stavu 4. riječi: "Vladi Federacije Bosne i Hercegovine" zamjenjuju se riječima: "nosiocu pripreme".

Član 7.

Član 8. Odluke mijenja se i glasi:

"Izradu Prostornog plana Federacije Bosne i Hercegovine, nosilac pripreme može da povjeri pravnom licu registrovanom za obavljanje tih poslova (u daljnjem tekstu: nosilac izrade). Izbor nosioca izrade Prostornog plana Federacije Bosne i Hercegovine, vrši nosilac pripreme u skladu sa Zakonom o javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 92/05, 8/06, 24/06 i 70/06)."

Član 8.

Ova Odluka stupa na snagu danom objavljivanja u "Službenim novinama Federacije BiH".

PF broj 01-02-539/07
17. decembra 2007. godine
Sarajevo

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.